

Propozicije takmičenja

TAKMIČENJE UČENIKA OSNOVNIH ŠKOLA IZ BOSANSKOGA JEZIKA

Cilj takmičenja

Takmičenje ima za cilj:

- da afirmiše najkvalitetnije rezultate u nastavi bosanskoga jezika i jezičke kulture;
- da podstakne učenike na sticanje trajnijih lingvističkih znanja o maternjem jeziku, da teorijska znanja o jezičkim pojavama i pravopisnoj normi uspješno primjenjuju;
- da doprinese da učenici bolje i potpunije usvoje književnojezičku normu, da poboljšaju svoje izražajne sposobnosti i da se kompletno služe književnim jezikom;
- sticanjem cjelovite slike o maternjem jeziku, kvalitativno višim pristupom u proučavanju jezičke organizacije i zakonitosti jezika, takmičenje treba kod učenika da razvije saznanje o značaju književnog jezika i jezičke kulture.

Organizacija takmičenja

Organizator takmičenja je Ministarstvo prosvjete, nauke i tehnološkog razvoja i Bošnjačko nacionalno vijeće u Republici Srbiji.

Takmičenja se sprovode na sljedećim **nivoima**:

- školsko;
- općinsko;
- republičko.

Školska takmičenja organiziraju i sprovode aktivni nastavnika bosanskoga jezika, prema Kalendaru takmičenja i smotri osnovnih škola za školsku 2025/2026. godinu.

Općinska takmičenja organiziraju se u okviru Bošnjačkog nacionalnog vijeća, a održat će se 17. aprila 2026. godine, prema Kalendaru takmičenja i smotri osnovnih škola za školsku 2025/2026. godinu.

Republičko takmičenje organizira se u okviru Bošnjačkog nacionalnog vijeća, a održat će se 26. maja 2026. godine, prema Kalendaru takmičenja i smotri osnovnih škola za školsku 2025/2026. godinu.

Učesnici takmičenja

Učenici 5, 6, 7. i 8. razreda osnovne škole učestvuju na školskom, općinskom i na Republičkom takmičenju.

Da bi učenik učestvovao na višem stupnju takmičenja, mora učestvovati na prethodnom stupnju i pokazati određene rezultate.

Neophodno je da svaki učesnik/učenik sa sobom donese potpisanu Saglasnost roditelja o učešću na takmičenje.

Broj učenika – učesnika

Na **općinskom** takmičenju mogu učestvovati najbolji učenici koji su osvojili najmanje 80% od mogućih poena (minimum 16 bodova) na školskom takmičenju.

Na **republičkom takmičenju** učestvuju učenici koji su na općinskim takmičenjima pokazali najbolji rezultat – osvojili najmanje 90% od mogućih poena (minimum 18 bodova).

Test za provjeru znanja

Na svakom stupnju takmičenja učesnici rade test koji sadrži 20 pitanja i vrednuje se sa 20 poena. Izrada testa na svim nivoima takmičenja traje 90 minuta i radi se pod šifrom.

Zadaci koji su ispisani olovkom i nepotvrđeni hemijskom sve i da su tačni neće biti priznati, nije dozvoljeno švrljanje niti dopisivanje.

U prvih 45 minuta izrade testa učenik/učesnik ne može napustiti takmičenje, osim uslijed bolesti ili neke zdravstvene tegobe.

Vrednovanje postignutih rezultata

Prvo mjesto dobija učenik sa 20 bodova. Ukoliko nema učenika koji je osvojio 20 bodova, prvo mjesto pripada onom učeniku koji je osvojio 19 bodova. Ukoliko niko ne osvoji 20 i 19 bodova, onda prvo mjesto nosi 18 bodova, drugo mjesto 17 i 16, a treće mjesto 15 i 14 bodova.

Za najbolje rezultate (u rangu) učenici na svim nivoima takmičenja osvajaju I, II i III mjesto i nagrađuju se knjigama i diplomom organizatora takmičenja (prema mogućnostima organizatora). Diplome za dobijeno prvo, drugo i treće mjesto na općinskom nivou dodjeljuju škole koje su domaćini takmičenja, odnosno organi lokalne samouprave.

Prigovori i žalbe

Na svim nivoima takmičenja, čim se takmičenje obavi i komisije za pregled preuzmu učeničke radove, organizator je dužan da na javnom mjestu, dostupnom učenicima, izloži testove i rješenja, kako bi učenici sa svojim nastavnicima bili u mogućnosti provjeriti svoj rad.

Poslije saopštenja rezultata, ukoliko učenik – učesnik takmičenja smatra da njegov rad, iz bilo kojih razloga, zaslužuje veći broj poena, ima pravo na pismeni prigovor, odnosno žalbu.

Prigovor zvanično prosljeđuje škola predsjedniku komisije na odgovarajućem nivou (na Republičkom takmičenju – predsjedniku centralne komisije) u roku od 7 dana od saopćenja. Predsjednik komisije je dužan da u roku od 7 dana po dobijenom prigovoru da pismeni odgovor sa obrazloženjem komisije (na Republičkom takmičenju – komisije za prigovore), koji se zvanično prosljeđuje školi.

Napomena: Na takmičenjima se koristi *Pravopis bosanskoga jezika*, Centar za bošnjačke studije, izdanje 2005. godine, Dr. Senahid Halilović, uređivački odbor: Dr. Dževad Jahić.